

今

水

經

今水經序

古者儒墨諸家其所著書大者以治天下小者以爲民用蓋未有空言無事實者也後世流爲詞章之學始脩飾字句流連光景高文巨冊徒充汗惑之聲而已由是而讀古人之書亦不究其原委割裂以爲詞章之用作者之意如彼讀者之意如是其傳者非其所以傳者也先王體國經野凡封內之山川其離合向背延袤道里莫不講求水經之作亦禹貢之遺意也酈善長注之補其所未備可謂有功於是書矣然開章河水二字注以

數千言援引釋氏無稽於事實何當已失作者之意余  
越人也以越水證之以曹娥江爲浦陽江以姚江爲大  
江之奇分茗水出山陰縣具區在餘姚縣沔水至餘姚  
入海皆錯誤之大者以是而槩百三十有七水能必其  
不似與歐陽原功謂郭璞作經鄺善長作注璞南人善  
長北人當時南北分裂故聞見有所不逮余以爲不然  
璞旣南人而習南水矣其南水又不應錯誤至此後之  
爲水經之學者蔡正甫補正水經惜不獲見朱鬱儀水  
經注箋毛舉一二傳寫之誤無所發明馮開之以經傳

相淆閒用朱墨勾乙未曾卒業若鍾伯敬水經注鈔所謂割裂以爲詞章之用者也余讀水經注參考之以諸圖志多不相合是書不異汲冢斷簡空言而無事實其所以作者之意豈如是哉乃不襲前作條貫諸水名之曰今水經窮源按脈庶免空言然今世讀書者大抵鍾伯敬其人則簡樸之謂有所不辭爾甲辰除夕雙瀑院長黃宗羲書

今水經表

北水

河入海

忽蘭水入河

亦八思河入河

納鄰哈刺河入河

乞里出河入河

鵬穆河入河

邈水入河

鳳林河入河

浩疊河入河 湟水入浩疊河

洮水入河

金水入河

吃那河入河 奢延水入吃那河

延水入河

汾入河 涑入河

渭入河 漳清汧涇沮入渭 馬蓮河入涇 漆

入沮

潤漣伊入洛

汝入濟

須鄭入汴 京入鄭 索入京

清河珠子河渾河太子河入遼

鴨綠江

松花江入混同江 黑龍江入松花江

大淩河入海

小淩河入海

膠入海

鹵水張奴水入膠

濰入海

丹入海

沽入海

墨入海



溜入海

純時入溜

灤入海

漆入灤

白入海

黃花鎮川河入白  
潮河入白

衛入海

淇漳汶濇桑入衛  
清入淇  
沙易入濇  
溫義

入易  
洋入桑

淮入海

汝潁肥渦濠池泗邳沭入淮  
潯入汝  
洧入潁

汴沂睢入泗

南水

江入海

皂江入江

大渡河入江  
沫水入大渡河

金沙江入江  
大姚江打冲河瀘水滇池牛欄江

馬湖泉江入金沙江  
大保河渠濫州入滇

永寧河入江

資江入江 支江入資

南江入江

嘉陵江入江 巴涪入嘉陵江

烏江入江 翁首河南明河湘江龍底江思印江

河由江入烏江

開江入江

清江入江

沮江入江

漳江入江

漢江入江 均水清水夷水白水湏水入漢

洞庭湖水入江 湘入湖 洮灌盧洪江水瀟祁

春陵水蒸郴攸漣漣洧瀏瀉汨入湘 潯入湖

都梁水入潯 邵水入潯 沅入湖 處洞

河清江錦江洪江潯酉辰入沅 澧入湖 瀟

瀟潯澹蘭江入澧

沔入江

灞河入江

陸水入江

龍開河入江

彭蠡湖水入江 贛入湖 貢水章水雲亭江早

禾江吉水袁江豐水蜀江奉新江入贛 濂水

寧都水雩都水興國水信豐水入貢 猶水入

章 盱入湖 飛猿水宜黃水崇仁水入盱

鄱江入湖 洎水建節水德興大溪入鄱 上

饒江入湖 永平溪玉溪楮溪白塔河朱溪入

上饒江 修水入湖

皖水入江

池河入江

大通河入江

荻港入江

漳淮入江

青弋江入江

巢湖入江

肥水桃溪入湖

秦淮入江

滁河入江

襄水清流水入滁

北運河入江

南運河入江

太湖入海

茗溪荆溪入湖

浙入海

軒駐溪壽昌溪東陽水桐江浦陽江錢清江曹娥

江入浙

姚江入海

靈江入海

永寧江入海

永嘉江入海

安陽江入海

連江入海

建水入海

東溪西溪南浦溪松溪樵溪海溪沙溪尤溪入建

水

洛陽江入海

晉江入海



漳江入海

汀水入海

廣江入海

右江會左江爲廣江

福祿江融水洛青江牂牁江入右江

白石江瀟湘江龍江西江水八尺江清江武流江

秋風江東班江寶江入左江 明江崇善水馱排

江歸安水入龍江

烏江白馬江繡江入廣江

灘江入廣江 陽江銀江相思江荔水入灘江

陸川東安水瀧水新江綏江入廣江

滇水入廣江 杜安水凌江水朔水會滇水梨溪

武水翁溪湟水入滇水

龍川入廣江 西江增江入龍川

漠陽江入海

鑑江入海

廉江入海

欽江入海 瓊海潮候

元江入海

瀾滄江入海

樣備江入瀾滄江  
西洱海入樣備江

大盈江入海

麓川江潞江入大盈江

今水經表

完

今水經

黃氏續鈔原本

黃 宗羲 學

北水

河水 源出吐番朵甘思之南曰星宿海四山之閒有  
泉百餘泓涌出匯而爲澤方七八十里登高望之若列  
星故名火敦腦兒譯言星宿其地在中國西南直四川馬湖  
府之正西三千餘里雲南麗江府之西北一千五百里  
較之崑崙殆爲近焉東北流百餘里匯爲大澤又東流  
號赤賓河又東忽蘭水合乞里出河來入之其流淺大

始名黃河又東北流分爲九派復合爲一水始渾濁又

東行二十日至大雪山名騰乞里塔卽崑崙也繞崑崙

之南折而東亦入思河入之又折而北納鄰哈喇河入

之哈喇河出西番白狗嶺北西北流五百餘里入河又折而西乞里出河入之

又西鵬陂河入之鵬陂河出西番鵬陂山西北流七百餘里入河復繞崑崙之

北又轉而東北過大通城又東北邈水西來入之邈水出西

寧州宿軍谷東流五百里入河河水又東北至陝西河州城又東案別本無

又東二字及下逕字北逕八十里積石山河水自大雪山至積石

山行約二十餘日河水又東北過西寧衛南鳳林河從

南來入之河水又東過河州北湟水合浩疊河

音閣門

從北

來入之

浩疊河自甘州經山丹永昌涼州至河州北會湟水入于河湟水源自西番經西寧州南過河

州北入

河水又東至莊浪界洮水入焉

洮水源出臨洮府城西南一百

五十里西傾山東北流經臨洮府城西南西流會河州水北入于河

河水又東過蘭州經

靖虜衛北五里金水注之過寧夏衛城東南四十里至

衛境東北出塞外經沙漠三受降城折而南西入山西

境由東勝州歷廢武州西北二百五十里過延安府綏

德州境東吃那河合奢延水自河套北來入之

吃那河自宥州

東南流至夏州奢延水西來入之又東河水又南流逕

流逕銀州入綏德州境東南流入于河

延川縣東延水注之

延水源自延安府安塞縣西北藍關嶺東南流入膚施縣境逕延長

縣入于河

河水又南逕石州寧鄉西入平陽府境逕石樓永

和大寧縣吉州出龍門口

龍門山在河津縣西北三十里

過河津縣西

汾水入焉河水又南過滎河縣西逕郃陽城東至朝邑

縣洛水西來入之

洛水源自慶陽府界東南流逕鄜州同官過朝邑縣南東入河

河水

又南過蒲州城西

自河源至此凡九千餘里

涑水西流入之

涑水源自絳縣

爲絳水逕聞喜夏縣安邑猗氏臨晉至蒲州入于黃河

至華陰潼關渭水從西來

注之河水又東逕芮城南過閿鄉縣北又東過陝州北

逕平陸縣南流五十里至底柱又東逕孟縣南又東逕



洛陽北洛水從南來注之河水又東逕鞏縣北溫縣南  
過汜水縣北濟水從北來注之河水又東過滎陽縣北  
至武陟縣東沁水從北來注之河水又東過中牟縣北  
汴水入焉河水逕開封府至兗州府曹縣界分爲二派  
其一東北流過濮州境東南六十里同北清河一名會通河  
合衛以入海其一東南流至徐州同南清河一名泗由淮  
以入海

黃河舊在開封府城北四十里東至虞城下達山東  
濟寧州界洪武二十四年河決原武縣黑陽山下東

逕府城北五里又東南至項城縣出境入淮而故道  
遂淤永樂八年復疏入故道自是河分爲二正統十  
三年又決滎陽縣東逕開封府城西南自是汴城在  
河之北矣又東南逕陳畱自亳入渦口又逕蒙城至  
懷遠北而入于淮焉

汾水 源出太原府西北靜樂縣北一百四十里管涔  
山逕府城西二里西南流歷清源交城文水祁縣至平  
遙介休過汾州城東二十五里南入平陽府境逕靈石  
趙城洪洞臨汾之西歷襄陵太平之東

案別本有南字過絳州

稷山河津北過滎河西注于河

渭水 源出臨洮府渭源縣西二十五里南谷山至鳥

鼠山下轉而東流逕渭源縣北二里過鞏昌府城北五

里東流漳水從西注焉

漳水源發漳縣西水寨坡西北會西傾山水西南會木市谷水

逕縣南三里東入于渭

渭水東流至清水縣清水西來注之渭水

東流逕鳳翔府寶雞縣治南又東汧水北入之

汧水源出隴州

西四十里岍山南流逕汧陽縣至寶雞縣東入于渭

渭水又東逕岐山扶風二縣

入西安府界歷盤屋與平咸陽逕府城北五十里又東

涇水會焉渭水又東過渭南縣北至華陰界沮水北來

注之

沮水來自延安府宜君縣至耀州富平縣合漆河漆河源出扶風古漆縣西北逕同官縣至耀州南

同沮水至同州朝邑縣東南入于渭渭水又東入于河

涇水 源出平涼府界筭頭山逕涇州又東南至邠州

北界馬蓮河從北來注之

馬蓮河有二源一名東河來自沙漠至慶陽府城合懷安

川及靈溝水南流與西河會一名西河源出環縣北七十里爲環江流逕縣城西南入安化縣界逕慶陽府城西名西河合陽集澗水谷溝下馬汀諸水由西轉南會于東河至合水縣西南四十里爲馬蓮河南流入眞寧縣界會九龍川又南入涇水涇水又東南過醴泉之東涇陽之西至

高陵縣界入于渭

洛水 源出陝西商縣西北一百二十里謹舉山東流

逕洛南縣北五里爲洛河又東流入河南盧氏縣歷永

寧宜陽又東過洛陽縣南澗水從北來注之

澗水出澗池縣東

北二十三里白石山東流逕新安洛陽東南入于洛

洛水又東澠水從北來注之

澠水源出洛陽縣西北五里穀城山東流入于洛

洛水又東至偃師縣伊水從

西來注之

伊水源出盧氏縣東南一百六十里閭頔嶺東流逕嵩縣洛陽至偃師界入于洛

洛

水又東過偃師縣南又東北過鞏縣東又北入于河

濟

源發河南懷慶府濟源縣西八十里王屋山下

曰沅水既見而伏復出于濟源縣西北三里東流爲濟

有二源東源周圍七百步其深莫測西源周圍六百八

十五步其深一丈兩源合流至溫縣南入于黃河與河合流又東過成臯縣北又東過滎陽縣北濟水性下且勁過黃河之南溢而爲滎往來若斷若續或伏或見濟水又東過原武又東北流過陽武縣北濟水又東逕封丘縣北爲北濟過封丘縣南爲南濟北濟又東逕開州又東北過壽張縣西界安民亭南汶水從東北來注之濟水又東北流逕東阿縣界又東北入濟南府界逕長清齊河歷城濟陽齊東武定青城濱州蒲臺利津諸州縣界入于海南濟又東過曹州境又東過定陶縣南又

東過金鄉魚臺縣南東入于泗由徐邳達淮以入于海  
汶水 其源有三一發濟南府城南七十里太山之旁  
仙臺嶺一發萊蕪縣東五十里原山之陽淄水出原一山之陰  
發萊蕪縣寨子村至泰安州靜封鎮合焉名曰塹汶西  
南流與泰安州東南四十里徂徠山陽之小汶河合又  
西南流入兗州府境逕寧陽平陰汶上縣界又西至東  
平州界注于大清河大清河卽濟河之故道蓋濟水伏  
流不見故惟汶水由濟以入于海

沁水 源出山西沁州沁源縣北一百里綿山東谷南

流入平陽府岳陽縣界東流至沁水縣城東五十里南  
流穿太行達濟源河過河南懷慶府城北二里逕武陟  
入于河

汴水 源出滎陽縣大周山合京索須鄭四水須水源出滎陽

縣方山北流入汴索水源出滎陽小隱山北流入京水  
京水源出嵩渚山逕鄭州西南十五里東北入鄭水鄭  
水源出鄭州城東二十五里  
東北至中牟縣下入于汴東南至中牟縣北入于黃  
河

汴河舊自滎陽縣東逕開封府城內又東合蔡河名  
菑菴渠東注泗州至徐州城北入于河後因河決蔡



河湮沒而汴自中牟入河矣

遼水 源出塞外自三萬衛西北入境南流大清河合

小清河入焉

大清河源出三萬衛東北分水嶺南流逕城東南十五里合小清河入遼小清河源

出蓋州衛分水嶺西南流逕城南又西流合泥河遼水又南流逕鐵嶺瀋陽都

司之西境廣寧之東境珠子河從西北來注之

珠子河源出廣

寧衛東北一百里白雲山南流入于遼河渾河合太子河從東北來注之

渾河

一名小遼水源出塞外西南流至瀋陽衛合沙河又西南流至都司城西北入于太子河太子河一名太梁水

源出幹羅山西流五百里至都司城東北五里折而西南流至渾河合爲小口入于遼河又南至海

州衛三岔關入于海

約行一千三百五十里

鴨綠江 源出長白山其山去金故會寧府南六十里其顛有潭周八十里北流爲混同江東流爲阿也舌河南流爲鴨綠江去三萬衛東北十餘里西南流逕遼東都司城東五百六十里大蟲江入焉大蟲江源出龍鳳山南流入于鴨綠江又西南至安市入海

混同江 源出長白山北流逕金故會寧府過五國城又北合松花江東入于海

松花江 源出長白山北流逕金故南京城合黑龍江黑龍江源出北山卽黑水靺鞨之舊至海西入于混同居南流約二千餘里入于松花江

江

大凌河 源出大寧自義州衛西六十里入境南流逕

廣寧左右屯衛界入海

小凌河 源出大寧自廣寧左屯衛西入境合女兒河

吟刺河南流入海

膠水 源出膠州西南一百二十里鐵嶽山過密州五

弩山鹵水入焉又北過高密縣注瀦澤與張奴水合由

澤北入新河逕平度州昌邑縣界入海

濰水 源出莒州西北九十里箕屋山自密州諸城縣

界流入高密縣境逕昌邑濰縣界東北入海

丹河 有二東丹河源出昌樂縣東南二十里方山西  
丹河源出臨朐縣丹山二水皆北流至昌樂歷城西合  
流至壽光縣界入于海

沽河 有二大沽河源出登州府黃縣蹲犬山小沽河  
源出萊州府東南馬鞍山大沽南流小沽東南流至平  
度州乃合至膠州卽墨縣入海

墨水 源出平度州墨山南流至卽墨縣界入海

淄水 源出泰安州萊蕪縣原山北流逕臨淄至壽光

縣時繩之水注之

繩水源出臨淄縣西申池北流入時水時水在臨淄縣西南二十五里

又東北入于海

灤河 源出宣府城西一百二十里炭山冰井亂泉合

爲此河北流逕古桓州南下流入開平東南流逕遷安

縣界至盧龍縣漆河西南流來注之

漆河源自口北入桃林口南流至遷

安縣東北七十里爲青龍河東流逕永平府城西門外爲漆河入于灤

灤河又南至樂亭

縣界入于海

白河 上流自宣府城東北三百里

案別本作三十里

雲州獨

石東南流逕古北口至密雲縣西黃花鎮川河西來注

之

黃花鎮川河源自塞外流入黃花鎮逕昌平至懷柔縣入于白河

白河又東南逕順

義縣東潮河東來注之

潮河在密雲縣東南下流至順義縣入于白河

白河逕

通州至武清縣東南爲直沽下流會衛河爲丁字沽入

于海

衛河 一名御河漢名爲屯氏河源出河南衛輝府輝

縣西北七里蘇門山東流逕衛輝府城北一里又東流

淇水西北來注之

淇水源出彰德府林縣西大號山流逕淇縣西北三十里合清水清水源

出輝縣西南七十里山陽鎮東南流逕獲嘉縣界又東南至淇縣界注于淇淇水又東流入衛衛水又

東流過大名府濬縣內黃界漳水入焉衛水又東北入

東昌府館陶縣西二里至臨清汶水

即會通河

北流入之過

東昌府武城縣界入濟南府境逕德州城西北過河閒府界去景州城東二十里歷故城吳橋東光縣境下至滄州西流逕興濟縣入青縣界合滹沱河衛河又東北過靜海至武清與桑乾河合又東北入于海

漳河 其源有二一名濁漳出山西潞州長子縣西五十里發鳩山東北流逕潞州城西南二十里過襄垣黎城二縣自林縣西北入彰德府境一名清漳出平定州樂平縣西南二十里少山西南流過和順之西北四十

里石堠嶺下流逕遼州東七十里又西南入潞州黎城  
縣界自涉縣西入彰德府境二漳俱東至林縣合流至  
彰德府爲漳河逕臨漳入廣平府境歷成安廣平肥鄉  
曲周入于衛河

滹沱河 源出山西繁峙縣東北三十里泰戲山歷代  
州崞縣忻州定襄五臺孟縣北入眞定府平山縣界逕  
靈壽縣至眞定府城南逕晉州過保定府境東鹿縣南  
三十里達于深州至阜城縣沙水入焉沙河在沙河縣  
治南逕廣平府  
城五十里下達雞澤縣界洛河入之洛河源出遼州大  
行山至武安縣柏林里伏流至洛遠里復出東逕廣平



府城北三十五里至雞澤縣界入于沙河沙河又逕鉅鹿隆平二縣至寧晉縣匯爲大陸澤過冀州境西北三十五里至武邑縣北界三十里爲夾河逕阜城縣西北爲胡盧河卽衡漳之別名也入于滹沱河

河歷河閒府獻縣城南易水注之至交河縣與高河合

爲交河至青縣入于衛

易水 源出易州閭鄉西山東過涿州南又東過安州

城北與保定府境沙河合焉

沙河源發山西繁峙縣白坡頭流逕定州新樂縣

界至祁州唐河北來注之唐河源自大同府靈丘縣南逕飛狐口倒馬關過唐縣東南至祁州入于沙河沙河又逕祁州城西南二十里至博野縣滋河來注之滋河源出靈丘故回山逕行唐縣張茂村伏流不見至眞定府界南孟社復出東南流逕無極深澤二縣過祁州城西南三十里入于沙河沙河又東入于易水案滋河源

今水經

出靈丘校回山元本云源出山西放回山考陸隴其畿輔入府地圖記作枚回靈壽縣志云枚回府志原本作

放回誤金史繁峙有梅迴鎮今據以改正易水又東至雄縣南爲五濟河溫

義河來注之

溫義河源發易州城西五迴嶺迺滿城縣北十里名大冊河至清苑縣北十五里名

徐河迺安肅縣西一十里至新安縣南八里與曹河合曹河出安肅縣南三十里入于徐河徐河合曹河曰溫義河又南與長流河合至保定縣爲磁河過河閒府境至雄縣南入五濟河

任丘縣西六十里至獻縣五里鋪入于滹沱河

桑乾河源出大同府馬邑縣西北十里洪濤山下與

金龍池水合東流過渾源州北迺宣府保安州新城西

南四十里洋河東南流來注之

洋河源出境外迺宣府城南五里東流迺保安

州城西南一十里案別本作一十五里又東南入于桑乾河又東入宛平縣境爲蘆

溝河至看丹口分爲二派其一東流出通州高麗庄入

白河其一南流逕固安至武清縣小直沽入于衛河

淮水 源發河南南陽府唐縣東南一百八十里桐柏

山其支岡有水潛流三十里東出大復山又東逕汝寧

府確山縣信陽州息縣至新蔡縣南汝水從西北來入

之入潁上界至壽州西北潁水入之又東淝水入之水

源出宿州龍山湖東至懷遠縣渦水入之渦水源出河南太康縣自

流至懷遠縣入淮黃河東流逕蒙城縣北淮水又東至鳳陽府北境濠水

入之

濠水有二源東源出鳳陽府舊城南六十里鐘乳山西源出府南八十里鎮鄒山至昇高橋合流逕

府舊城西南有石絕水謂之濠梁又東南逕新河口入于淮

又東池水入之

池河自廬州府

界流入歷定遠縣南一百四十里北流入于淮

又東北入泗州至清河口泗水

入之又東邳溝南入焉

邳溝自大江至揚子鎮南為伊婁河又自大江由儀真縣南為

獅子河東北流逕揚州城東南北通射陽湖為邳溝入淮

淮水又東滌迴淮安府城

北五里又東沐水入之過安東縣東入于海

汝水 源出河南汝州天息山東流過郟縣南又東南

漁水合沙河入之

漁水源出魯山縣西堯山流至葉縣入沙河沙河源出桐柏山東流合三

里河入汝水

過襄城縣又東南過鄆城縣北又東南入汝寧

府境逕汝陽上蔡又東南逕新蔡東流入于淮

潁水 有三源左源出登封縣東二十五里陽乾山中

源出嵩縣少室山右源出少室南溪流入鈞州界又東

南過許州又東南過臨潁扶溝二縣又東南案別本無南字洧

水東流注之洧水源出密縣東至新鄭縣會漆水爲雙泊河至西華縣入潁漆水源出密縣又

東過西華縣北又南過太和縣北又東南過潁上縣北

又東南入于淮

泗水 源出山東兗州府泗水縣東五十里陪尾山四

泉竝發故以爲名循泗水縣北八里始合爲一西逕曲

阜縣貫府城下至濟寧州分流南北北流謂之北清河  
南流謂之南清河北清河亦名會通河在濟寧州南自  
濟寧分水關至東昌府臨清閘凡四百餘里自濟寧則  
引泗洸及徂徠諸山谷水注之至沙灣則引黃河支流  
自金龍口者合之自兗州府陽穀縣入東昌府境至府  
城東南北達臨清入于衛河南清河南流過沛縣至徐  
州城東北汴水從西來注之循城東南至邳州境沂水  
從東來注之

沂水源發山東青州府沂水縣西北一百九里雕厓山南流逕縣南二里至沂州

水入之初水源發大嶺阜東南流逕沂州郯城縣入邳州界合沂水沂水西流過下邳城西西南入于泗

水又南至宿遷縣睢水入焉睢水有二一在陳留縣東北四十里東逕睢州達寧  
陵縣一在夏邑縣南二十里逕永城縣合沙白水過宿州城二十里逕靈璧縣北入徐州境城南二十里東流  
逕睢寧縣界又東北泗水又南至濟河縣西北三汭河  
至宿遷縣入泗水口分爲大小二濟河南達于淮

## 南水

大江 源出蜀之茂州岷山故名岷江

徐宏祖遡江紀源曰禹貢岷山

導江乃汎濫中國之始非發源也中國入河之水爲省五入江之水爲省十一計其吐納江陪于河按其發源  
河自崑崙之北江亦自崑崙南流逕茂州城西南入威  
之南非江源短而河源長也

州境過汶川縣而東南至灌縣別爲二一渠由永康軍

過新繁入成都謂之外江一渠由永康過郫入成都謂

之內江合于成都府城南過金馬口至新津縣阜江水

入之阜江源出岷山逕溫江縣治西南東流入成都府界注于岷江岷江至眉州城東

七里藝頤山下為玻璃江逕夾江縣即平羌繞烏尤山下

在嘉定州治東至嘉定州與大渡河合岷江又東南至敘州府

城東與金沙江合即馬湖江又東永寧河入之永寧河源自七星關北西

北流逕烏撒貫永寧城又西北逕納溪縣北流入江案七星關別本作七里關過瀘州治城東

為瀘江入合江縣界資江來注之岷江又東北過重慶

府東南江來注之南江在南川縣岷溪會合至三溪方通舟楫行三十里至碁市自碁市至



南江口合大江至重慶府東北與嘉陵江會大江又東

至涪州與烏江合又東過忠州萬縣至夔州府雲陽縣

開江來注之開江源自新寧縣霧山逕開縣治南合清江過雲陽入泯大江逕夔州

府入瞿唐峽過巫山歷歸州夷陵至宜都縣清江一名夷水

來注之夷水自紹慶發源繞施州衛城東流入荊州府界逕建始縣境流入長陽縣南至宜都縣入于

大江逕枝江縣界沮江入之沮江在當陽縣北出房陵縣過臨沮縣界漳水

入之漳江源自臨沮縣南至當陽縣北與沮水合流通沱江案通別本作過沱江在當陽縣治南至枝江縣界

入于大江至松滋縣北分為三派下流三十里復合為

一達于江陵至荊州府城南為荆江逕公安石首而東

與漢江合過城陵磯下合洞庭諸水逕岳州府臨湘縣

其流清者爲洞庭濁者爲大江又東自嘉魚縣入江夏

境至州西沔水入焉沔水源出襄水逕漢陽府城西過

漢陽府城東南至漢陽縣界滛河入之滛水發源在河南羅山縣南流

逕黃陂縣東北二百里入漢陽縣又過蒲圻縣陸水注

之陸水自巴陵歷通城崇陽二縣境東流逕武昌縣入

黃州黃陂縣界至黃州府城下赤壁磯東過蘄水縣入

九江府西境龍開河入之龍開河源發瑞昌縣清湓鄉東由大江逆泛爲鶴問湖距

九江府城西二十五里又瀟溪自廬山西流逕至九江

九江城南一十五里下流合龍開河入于江

府城北為尋陽江下流四十里合彭蠡湖水又東流至

安慶府城西皖水來注之皖水出安慶府潛山縣北逕安慶府城西入于江大

江環安慶府西南東三面临北流至東流縣又折而東過

池州府北池河北流來注之池河源出標山流為管公明溪歷龍鬚河會于秀山

倉埠潭過白面渡匯為秋浦秋浦在池州府城西南八十餘里又北流入于大江下至銅陵縣

大通河來注之大通河在銅陵縣西四十里其源一出九華山一出梅衡山會于車橋湖至大

通鎮入至荻港驛荻港河北來注之荻港河在銅陵縣北八十里源發朱

村者即坑邵家湖會石洞南洪鳳凰貫上又東漳淮來

注之漳淮源出寧國府南陵縣南六十里呂山至縣東溪與中港西港之水相合流入小淮河至石皖西

出魯港魯港一名魯明江在太平府蕪湖縣  
西南三十餘里與繁昌縣分界入于大江  
大江南逕

無為州又過太平府城西北七里  
案七里別本作又東青弋江來

注之  
青弋江源出涇縣及池州石埭合中流出蕪湖入于大江大江又南過和州界

巢湖來注之  
巢湖一名焦湖周圍四百餘里港汊大小三百六十占合肥舒城廬江巢四邑境肥

水桃溪皆注之肥水源發廬州府城西北四十里雞鳴山北流三十里分爲二其一西北流入淮其一東南流

貫廬州府城過金斗驛入于巢湖桃溪發源六安州界逕舒城縣北三十五里入于巢湖巢湖下流其一東南

流逕無為州和州界爲柵江卽濡須口入于江其一東流逕和州城北爲烏江入于江又過應天

府西北秦淮入之  
秦淮在上元縣東南三里西北入于大江大江又逕六合

縣滁河北來  
案北來別本作東來注之  
滁河源出廬州府過全椒縣與襄水合流至滁州東

南三汊河會清流水  
逕六合縣入于江大江又逕揚州府儀真縣南支流

爲北運河大江又逕鎮江府城西北六里南運河入焉  
逕常州府城北五十里過江陰縣西泰州東南至常熟  
縣北通州南入于海

大渡河 源出吐番南流爲若水東流逕黎州城南九

十里爲沈黎江過越雋衛城北至夾江縣沫水入之

沫水

源出雅州逕天全六番招討司東南流至雅州城北青衣水入之又東南至夾江縣西九十里入于大渡河

又東北至嘉定州入于岷江

金沙江 源出吐番共龍川犂牛石下名黎水流逕雲

南麗江府巨津寶山二州又逕鶴慶府由西而東環北

勝州治至姚安府大姚江來注之

大姚江源出大姚縣東北一百五十里書

案山西流至大姚縣西北合鐵索箐之水折而南流至縣西南合姚州小橋村之水折而東流繞縣南靖蛉河

入之復東北流入于金沙河

又東打沖河從北來注之

打沖河源自打沖河中在

所逕中前所至普濟南流約千里入于金沙河

金沙江又東入黎溪州至會川

衛城西南二百五十里瀘水入焉

瀘水源自吐番南流寧番水西流入之逕

建昌城西邛湖水西流入之又南流逕會川衛境西入于金沙江

金沙江又東過武定

府元謀縣北滇池水入之逕東川府境西一百五十里

折而至府東牛欄江從南來注之

牛欄江其源出西河在雲南馬龍州治西

東流合東河東河在馬龍州治東入尋甸府爲牛欄江  
逕東川府東南一百二十里案別本二十作三十北流

入金沙江過烏蒙府西南二百六十里又東北至敘

州府城西南一百三十里爲石門江馬湖水入之馬湖

湖府城西一百八十里蠻夷長官司前馬湖在山頂長二十里廣七里又東泉江南流來

注之泉江在芒部府西北二百八十里過敘州府城南入于岷江

滇池 一名昆明池周廣五百餘里在雲南府城南源

出尋甸府治西南六十里果馬山爲龍巨江一名龍濟溪流

經嵩明州東南一十五里入嘉利澤澤周百餘里又自嵩明

州故邵甸縣之東山西山凡九十九泉合流經雲南府

城東爲盤龍江又南與黃龍溪諸水合爲滇池又大堡

河北流入之

大堡河出新興州界經晉寧州永興鄉分流北入于滇池

又渠濫州東

北流注之

渠濫州在昆明州東南五里東北流入于滇池

滇池下流爲螳蜋川

縈迴安寧州治過昆陽州富民縣經武定入于金沙江

資江 一名中江源出汶山自洛口分支經漢州及新

都縣東流入簡州資縣界過內江縣西五里經富順縣

瀘州城北支江來注之

支江源自富順縣鴛鴦溪經安夷鎮過瀘州城北入于資江

資江至合江縣界入于濬江

按圖西漢水源出陝西沔縣西一百二十里嶓冢山流



經四川保寧府廣元縣界歷昭化過劍川至保寧府閬中縣曰聞水至順慶府治東又東至合州治東北釣魚山下合巴水嘉陵江至合州治前又與涪江合過重慶府城北東流入于濬江

巴水 源出陝西漢中府西鄉縣六十里巴山流經四川達蓬廣安三州至渠縣東爲渠江又東經順慶府界流至合州治東北與嘉陵江合于渠口

涪江 源出吐番下歷綿州入潼川州東南又東南流經遂寧縣至合州入于嘉陵江

烏江 志名牂牁江以江出于牂牁郡也其源有二東

源出自程番府界東北流過龍里衛西翁首河東入之

翁首河在龍里衛平伐司東南二十五里下流入清水江至貴州城南南明河西入

之

南明河在貴州城南

東北流過巴鄉西歷平越衛西境四十里

過新添司經貴州城東境一百五十里爲清水江過谷

龍爲紫江由眉潭入于西源之烏江西源出自安順州

西堡司西北五十里東北流經司治前爲谷隴河貫州

城過金筑西境至威清衛城西爲的澄河遠衛城北經

青山司北至陸廣驛西爲陸廣河過清河驛及黃沙渡

巡司南距貴州城北境二百里為烏江南岸有烏江關

乃貴播之界河也遶播州司南至東境七十里湘江入

之湘江源出播州西北四十里龍岩山麓流經湘山過播州司東為湘江南入烏江經容山司

東與東源之江水會烏江又東北經石阡府西境一百

五十里龍底江來入之龍底江在石阡府城南西流入于思南大江烏江又

東北入思南府境西南十里鮎魚峽東流過府治南為

水德江又東流過印江縣思印江北流入之思印江源出朗溪司

經印江縣北又東北經沿河司河由江入之河由江源出銅仁烏

羅司經沿河司治北又東北至彭水縣為黔江歷新灘

關灘至涪陵入于川江

按圖嘉陵江卽漢水

案別本作東漢水

源出陝西鳳縣東嘉陵

谷歷兩當縣過略陽縣治西會東谷諸水流經漢中府

城南三里歷洋縣石泉縣南過金州北漢水又東過鄖

西縣南又東北屈東南過均州東北過光化縣西南漢

水又南逕穀城縣東均水入之

均水源出淅川縣北山南流過郢邑南又東過

谷城南東入于沔

漢水又東過襄陽城北又東南涓水從北來

注之

涓水一名白河源自河南府嵩縣雙溪嶺東南流經南陽府城東三里歷新野縣會梅溪沮灌湍水

流山黃渠栗鴉四澗力等河與泌水合流南至襄陽府城北入漢湍水源出南陽府鄧州內鄉縣東一十二里

熊耳山鎗竿嶺東南流經內鄉繞鄧州城北三里轉東南會趙沐沙溝黃水等河至新野入于清水泌水源出泌陽縣東四十里桐柏山東流為淮西流為泌經唐縣北轉西下流會清水三家入疊牡丹昆江桐浚等河至

襄陽府界漢水又南經安陸州治西過宜城縣東夷水入于清水

東流注之夷水一名蠻冰河發源自房縣界經南漳過宜城西南六十里入于漢漢水經

潛江縣分為潛江入于江潛江自江出為沱漢出為潛今潛江漢水循源而下經

潛江縣界漢水又東南白水注之白水源出漢川縣西北界經縣南一百二

十里入于漢又經當陽縣之東漢水又東南湏水入焉湏水

德安府東北四十里陪尾山石岩下逕德安府城西隅

灌河入焉灌河源出德安府城西二十里白兆山下達

雲夢蒿于港口入湏河漢水又東南至荊門州東九十

湏河又東流入于漢

里至大別山入于江其水自嶓冢爲漾水沔縣爲沔水漢中爲漢水至荆山東爲滄浪水蓋因地而稱名也

洞庭湖 在岳州府城西南一名九江沅漸无辰敘酉

澧資湘九水皆合也又沅資湘最大皆自南而入荆江自北而過洞庭瀦其閒名爲五瀦

湘江 源出廣西興安縣海陽山下西北流至分水嶺

分爲二派曰灘水流而南曰湘水流而北合越城嶠水

至全州又合洮灌二水

洮水源出全州北二十里文山下流入于湘灌水在灌陽南九

十里流經全州入于湘

經東安縣盧洪江來注之

盧洪江在東安縣治東東南流

入于湘至永州府城西南永水來入之永水源出永州府城西南一百里永

山入又東北入永州府界至湘口與瀟水合曰瀟湘經

永州府城北一十里又東經祁陽西北祁水東流來注

之祁水源出寶慶府邵陽縣界東北流湘江經常寧縣

西春陵水從東來注之春水源出道州寧遠縣東北七

藍山縣界又東流至桂陽州界北三十里歸水入之歸

水源出道州寧遠縣九疑山東流經藍山縣界南又東

北經桂陽州入于春陵水湘江至衡州府城東與

蒸水合曰蒸湘蒸水源出寶慶府邵陽縣耶薑山東北

州府城北至衡州府東北郴江來注之郴江源發郴州城南三十六里

黃岑山北流經郴州城東為郴江下流耒水入之經永興縣至森口栖鳳水入之郴江經衡州府耒陽縣界歷府城北至耒口入于湘耒水出桂陽縣南五里耒山西流資興水入之又西流八十里水勢險惡北入郴水栖鳳水源出桂陽州南二十里郴州城西北五十里龍度山東北流至郴州界過郴州城北五十里為栖鳳水又西北流經栖鳳渡白豹水湘江又東流入長沙界至於陵入之流至森口入郴水

江口攸水西流來注之攸水一名伯水源出江西安福縣封侯山西流經攸縣東一十

五里為攸水沫水入之沫水源出酃縣沫泉經茶陵縣西北至攸縣東七里入攸水攸水又至茶陵江口入于

湘江又北瀉水從東注之瀉水一源自江西袁州府萍鄉縣北七十里楊岐山

為岐水西流過萍鄉縣前下入醴陵縣境會縣東瀉山之水為瀉水過其縣南屈從縣西西北流至瀉浦入于

湘又北漣水東流來注之漣水資水之別源出寶慶府邵陽縣東八十里長沙府湘



鄉縣西一百八十里龍山案別本作大龍山其水分爲

二派一入邵陽爲邵水一入湘鄉爲漣水又瑯漣山與

龍山對峙漣水別支出其下奔流數里有石岩當路水

入岩中伏流六七里分爲三派流出至湘鄉縣西五十

里又名漣水東入于漣合流九十里會側水繞破石轉

至縣南匯而爲澤又東過石潭百餘里東流入于湘

又北過長沙府西瀏水從東來注之瀏水在長沙府城北五里源出大圍

山有二源曰大溪曰小溪合流經瀏陽縣又北瀉水從

西名渭水過縣前名瀏水西流入于湘

西南來注之瀉水在長沙府城北二十里源出安化又

北過湘陰縣汨水西流來注之汨羅江在湘陰縣北七

岳州平江縣東南合純盧二水又西南會昌水下流合

羅水羅水自湘陰縣分二水南流曰汨水一經古羅城

曰羅水至屈潭復合湘江又北至沅江縣與沅水合曰

故曰汨羅西流入湘

沅湘會衆流以達于洞庭

瀟水 源出永州府寧遠縣南六十里九疑山四水流

灌于南海五水北注于洞庭至三江口與沅水合沅水出九

疑山石城娥皇二峯至江華縣東南碣水入之碣水出九疑山女英峯至江華縣東南爲碣水入于沅水沅水

又東別爲二又十里合爲一經三江口入于瀟水舜源

水出九疑山舜源峯流至寧遠縣東西抑而北與沅湘

水合營水出道州西四十五里營山東流與沅池瀟水

水合案別本無池字經宜陽鄉與舜源水瀟水合瀟水

又東北流至永州府城外至湘口入于湘

資江 有二源一出敘浦與靖州綏寧之澗谷閒一出

廣西全州界經新寧縣南爲夫夷水至武岡合流東下

又都梁水出武岡州城西南來注之經寶慶府城北邵

水入之

邵水源出邵陽縣東八十里龍山經鞍山至寶慶府城北入于資江

資江自寶慶

過祁陽縣北經安化縣西凡五百餘里至益陽縣南過

沅江縣入于洞庭湖

沅江

源出四川播州與牂牁江隔嶺而分者也

此牂牁江

鳥江也

其源自黃平所為黃平河過偏橋司治西東流處

洞河入之

處洞河源出苗境東流經處洞至興隆衛城合與隆大河小河入于鎮洋江

至鎮

遠府城南為鎮洋江

一名灘水乃五溪之一巫無濩舞灘一水五名聲之變耳

東流

經清浪衛清江北來入之

清江一名灑溪在思州府城南下流合思州諸溪水入于

平溪又東經平溪衛至麻陽錦江入之錦江其源自銅仁府治西北甕

濟洞經府城西為銅仁小江會提溪省溪適邏江諸水至府治西南為銅仁大江入沅州麻陽縣治西境五里

為錦江流經縣前下入沅江沅水又經黔陽縣西南又經靖州會同

縣西境洪江來入之洪江源出黎平府洪州司治北下流至靖州城東合渠陽江渠陽江

源出靖州通道縣之東北一百里廣西分界佛子嶺下合眾流環靖州城東入于洪江洪江自靖州治流三百

四十里案三百一作二百至會同縣西南洪江驛入于沅江又經案一作東溆浦縣敘

水來注之敘水有二源一出龍潭在縣南一百二十里當黔陽界有溪東流至巡檢司前匯而為潭

龍潭之水由地中行者二里出而南流六十里脚梁之水自東而始入桶溪之水又六十里一源出龍灣在縣

東二十里自頓家山出匯而為潭二水至縣前為雙龍江經縣西三十里下流入于沅江沅水又歷

辰州府城西南五里酉水入之酉水源出四川酉陽經辰州府城西南五里東

入于又東辰水入之辰水在辰州府東源出府城東沅沅二百四十里三嵎山南流入沅沅

江入常德府桃源縣境經府城南東流過龍陽縣北入

于洞庭湖自發源至入湖東北流凡二千五百三十里

澧水 源出岳州府慈利縣西歷山下流合澧水澧水在慈利縣源出歸州東流至索溪合四十

入湖而為一水南至觀嘉背合澧水至石門縣澧水來

入之澧水在石門縣西一百七十里流經水南山經魚山合陽泉南溪水至縣西四十里入于澧澧

水又流至澧州城下潯澧二水來入之澧水在澧州東二十五里潯水

在澧州城北七十里又東蘭江來注之蘭江在澧州城東北源江北入華容縣治北為華容

河南通  
禮水

又東過安鄉縣北入于洞庭湖

新牆河

在岳州府巴陵縣南六十里發源臨湘縣相

思山至灌口注于洞庭

彭蠡湖

一名鄱陽  
一名宮亭

在九江府城東南九十里闊四十

里長三百里經南康府東南西接南昌東抵饒州

在鄱陽縣

西四  
十里納贛肝鄱饒袁脩諸水北流入于江

贛江 源自章貢而來貢水源出汀州新樂山西南

流經瑞金南入會昌北濂水入之

濂水源出安遠縣北  
流至會昌縣界入于

貢水又西北流至雩都虔化水雩水入之

虔化水源  
出寧都縣

經雩都縣境南入于貢雩水源出  
雩都縣之雩山西南流入于貢 貢水又西北流激水

北來入之激水在興國縣東北又西北流三江水南來入之三江

龍南縣後乃桃水渥水濂水之會流經信豐入于章又西北至贛州府城東爲貢

水環城而北與章水合章水源出南安府大庾縣西南

一百三十里聶都山東流至南安府城南爲橫江經南

康縣治東北流猶水從西來注之猶水源出湖廣郴州桂陽縣東北一十七

里名孤山水屈曲北流一百五十里入江西南安府界流經上猶縣治南爲猶水東流至南康縣界入于章

至贛州府城西爲章江環城而北與貢水合名爲贛江

北流一百里凡二十四灘怪石多險至萬安縣折而東

流遂水西來注之

遂水在龍泉縣治南源出左過泰和右二溪歷八十四灘入于贛

縣東雲亭江東來注之

雲亭江一名繪水源發興國縣界經泰和縣南西北流至珠林

入于贛江北流至吉安府城東南禾水東流來注之

禾水

源出永寧縣西禾山經永寧縣北至永新縣南為永新

江東流盧水注之盧水源出安福縣西二百二十里盧

肖山至安福縣城北為盧水東流王江從安福縣東南

東流來合之入于禾水禾水又東流至泰和縣西五十

里為早禾江至廬陵贛江達吉安府城東又吉水來注

神岡山下入于贛

之

吉水源發永豐縣至吉水縣南為吉水入于贛

贛江又北流經峽江縣東至

臨江府城南五里為清江袁江水東流來注之贛江又

東北流入南昌府豐城縣南豐水來注之

豐水在豐城縣南一百八



十里出自柘山繞豐城劍池東入于贛 贛江東北流至南浦折而北流至

南昌府城西南蜀江來注之

蜀江一名筠案別本云蜀江一名笛河源出袁州府萬載

縣龍河渡流至上高陵江合新昌藤江歷瑞州府城南而東匯于南昌之象澤潭案一本無澤字入于章江

贛江達南昌府城西為章江又奉新江東流來注之新奉

江自寧州歷靖安縣至奉新縣南為奉新江東流入于章江 章江又北流入于彭蠡

湖

袁江 源出袁州府萍鄉縣西瀘溪過縣北又至縣東

北羅霄水來注之經袁州府城西十五里為稠江至北

門外為秀江下經分宜縣東南袁江又東至新喻縣南

爲喻水至臨江府西境太平江來注之至臨江府南十里入于清江自袁州府城至清江凡八百四十里

脩水 源出南昌府寧縣西六十里幕阜山自艾城東北流過南康府建昌縣治南約七百餘里入于彭蠡湖

盱江 源出建昌府廣昌縣血木嶺流六十里爲盱水

又二十里爲巴溪又八十里至廣昌縣前又三十里入

南豐縣境東北流百餘里至建昌府城東南冰壺水東

來入之

冰壺水源出福建泰寧縣界經新城縣西北流來合之冰壺里飛猿水從新城縣東境西北流來合之冰壺

水又西北流盱江又東北流二百餘里入撫州府境爲入于盱江

汝水流經金谿縣南曲折行百餘里至撫州城東抱城

西北西寧水注之

西寧水源出崇仁縣南一百里華蓋山合宜黃水至崇仁縣西五里爲西

寧水下流曲折五百餘里至西津入于汝水

盱江入南昌界過豐城縣東北

流至南昌府城東南三十五里又東北入于彭蠡湖

鄱江 源出浮梁縣東北一百四十里榔木山下西流

百里至浮梁縣南爲昌江又西樂安江來注之

樂安江源出徽

州婺源縣西北五十八里大廣山爲婺源水至德興縣北二十里爲德興溪又西北建節水來注之建節水源出廣信弋陽縣西北流經德興縣西南下流入于樂安江樂安江又西北過樂平縣治南爲樂安江下流入于鄱

下流經饒州府城南門外爲鄱江環城流至西北復分

爲二俱入于彭蠡湖

上饒江 源自福建建寧府界流經永豐縣界爲永豐

溪西流永平溪注之

永平溪在永豐縣東四十五里

又西流玉溪注之

玉溪在玉山縣東五里下流入上饒江

經廣信府城北爲上饒江楮溪朱

溪皆西流來注之

楮溪在廣信府城西一十里宋溪在廣信府城西八十里二源俱出靈山

西流入上饒江

又西北

案別本云又西流

至弋陽縣東二十里爲弋陽

江經貴溪縣南爲薌溪入饒州府境經安仁縣前爲錦

江白塔河入之

白塔河在安仁縣東源發廣信龍虎山及撫州金谿縣合流入于錦江

下

流餘干縣東北流由鄱江而入于湖

北運河 一自大江經儀真縣南爲獅子河一自大江  
經揚子鎮南爲伊婁河俱至揚州府城西爲邗溝過邵  
伯歷高郵州寶應縣抵淮安府入于淮自大江至淮凡  
三百餘里

南運河 自浙江杭州府餘杭經嘉興府西過吳江縣

東太湖水過之經蘇州府城西歷無錫貫常州抵丹陽

縣呂城壩又經丹陽北練湖水注之

練湖一名練塘在丹陽縣北周一百

二十里納長山諸水凡十又至鎮江府城西爲海鮮河

二流案別本作十一流

北入于大江自餘杭至京口約七百餘里

太湖 禹貢曰震澤周職方曰具區縱廣三百八十三

里周三萬六千頃跨湖宜蘇常四郡距湖州府城北二  
十八里蘇州府城西南三十里常州府城東南一百里  
連武進無錫宜興三縣界其上流自西南而來者爲苕  
溪西北來者爲荆溪苕溪有二一出杭州天目山由於  
潛臨安東流過餘杭縣治南經錢塘縣境東北流至湖  
州府治東南入于霅溪一出湖州天目山至安吉州合  
獨松嶺溪水東流經府城南爲霅溪至府城東南與杭  
州苕溪會北流注于太湖荆溪在金壇縣北源出右荆

州城流入常州界宜興縣荆南山北上通蕪湖下注震

澤

志云中江出蕪湖西南東至陽羨入海

震澤分流入于海其東北流者

經吳縣東同運河爲吳江至蘇州府城東播爲婁江至崑山縣東南六里爲新洋江至太倉州東爲劉家河入于海其東南流者過三泖一名華亭谷水在松江府城西南三十六里以近山涇圓者曰圓泖近泖橋闊者曰大泖自泖而上縈繞百餘里曰長泖經松江府城北七十二里爲松陵江

一名吳淞江

經華亭西南入于黃浦黃浦

在松江府城東南一十八里又東北流至上海縣入于

海

浙江 其源有二一出徽州婺源縣北七十里浙源山

名浙溪一名漸溪東流經休寧縣南率水入之率水出休寧縣

東南四十里率山至徽州名徽溪揚之水入焉揚之水出績溪縣東六十里大

鄣山西流至臨溪經歙縣界抵府城西入徽溪爲灘三百六十至淳安縣南爲

新安江又東軒駐溪從北來注之軒駐溪在淳安縣東五十里又東

壽昌溪從南來注之壽昌溪在壽昌縣西六十里經建德縣界至嚴

州府城南合衢水一出衢州金溪北注文溪南來金溪源出

開化縣馬金嶺西北流繞縣治名金溪又轉而東南流經常山縣東流入之文溪出江山縣之石鼓山東



北流永豐水注之至江山縣南名文溪下流合于金溪會于衢州府城西二里名

信安溪環城西北東流入龍游縣界號盈川溪又東經

蘭谿縣東陽水入之東陽江其源出東陽縣大盆山一出處州縉雲縣雙溪合流至府城南

南為谷溪西流為蘭溪至嚴州府城東南二里入于浙又東至嚴州府城南與歙

江合浙水又東至富春江又東至桐廬桐江

北來注之桐江源出天目山經桐廬縣北三里東流入于富春江又東浦陽江南

來注之浦陽江源出金華府浦江縣西北流抵富陽入于浙江又東

至杭州府城東三里為錢塘江又東錢清曹娥二江入

之錢清江在紹興府城西五十五里曹娥江在紹興府城東南七十里錢清曹娥二水入于浙江三水所會

在紹興府城北三十里謂之三江海口浙水又東而入于海海口有山居

其海中潮每晝夜再至其勢之大小隨陰陽之交變也

鄞江 其源有二一自奉化合它山之水東流經奉化

縣北四十五里爲奉化江一自上虞縣太平山經餘姚

縣治南名姚江潮上下二百餘里而水不鹹歷慈谿縣境東流俱至

寧波府城東三港口會名鄞江東流至定海縣治爲大

浹江入于海

靈江一名澄江其源一自天台關嶺一自仙居至台州府

城西一十里合爲靈江潮至此而止經府城南環繞郭郭東

流入于海

永寧江 在黃巖縣西北有二源大源出塵山東南流至左溪村小源出黃巖山東北流至大溪與大源合經縣北東流入于海

永嘉江

舊名填江

源自遂昌經松陽至處州府城南二里

爲大溪東至青田縣又合龍泉松溪諸水東南流至溫州府城北爲永嘉江又東入于海

安陽江 在瑞安縣南又名飛雲渡渡之西有中洲東入于海

連江 在連江縣治南東流入于海

建水 源分東西二溪東溪源出浦城之東西南流約

二百里至建寧府城東名東溪過城南至城西入于西

溪西溪源出崇安縣西北分水嶺其下二源入江西界過崇安縣

北至建陽縣東南交溪東流注之交溪在建陽縣東南合武夷九曲之水交

注于東山下南入建水至建寧府城西名西溪與東溪合爲建水

又南松溪東來注之松溪源出處州慶元縣之松源經松溪縣南入于建水又南

至南平縣治東西會紫雲溪紫雲溪源發邵武府光澤

縣西北至邵武府城北東流經延平府順昌縣西沙溪

來注之

沙溪源出汀州府寧化縣水勢險巇如龍門經清流未定至沙縣南爲沙溪過縣東至延平府

西南入于

紫雲溪過府城東與建水合名爲劍津又東南流龍

溪入之又東南流抵福州府城南一十五里爲南臺江  
自分水嶺至此凡七百餘里又東南三十里與江東西  
峽合流入于海

洛陽江 源發泉州府惠安縣至晉江縣南二十里入  
于海

晉江 源發德化縣西至縣南爲丁溪至南安縣西一  
十里爲金溪過縣南東流至晉江縣治南爲晉江入于

海

漳江 源出汀州連城縣東流經長泰又東南流至漳州府城東北九龍江入之過漳州府東入于海

汀水 源出汀州府北新樂山與貢水分流至汀州府境而

東遂南流經上杭永定武平溪水入之東南流過饒平大埔又南流至潮州靈河程江水入之又南入于海華水皆東流至汀水始南流過以水合丁爲汀也

甲子門水 自長樂經海豐縣東南入于海宋端宗浮海駐于此

廣江 合左右與灘江湏水龍川也右江源出貴州都

勻府西南境會十二渡水過府城南爲都勻江經獨山

州入廣西南丹州過慶遠府城北又東流至柳州府界

福祿江北來注之福祿江源自湖廣靖州西南流入貴州黎平府西境爲古州江東流至永

從縣東南流合爲福祿江又東合大崖江爲南江入廣西柳州界經融縣入柳江柳江又東至

柳城縣西融水入之融水出柳州府北懷遠縣至融縣東爲融水又名漳江下流與背江

思同江玉華江丹江靈壽溪水合歷柳城縣西入柳江又東至柳州府南爲柳江

抵柳州府城東南洛青江東來注之洛青江在維容縣一百二十里源自

桂林府流至南流經來賓縣東牂牁江縣界入柳江西來注之經象

州至潯州府城北東流爲黔江經城東南爲潯江與左

江合左鬱右潯二江合流至平南縣東南爲龔江亦名

都泥江至平南縣北烏江在縣西入之白馬江在縣東

入之龔江又東流過藤縣北爲藤江又東繡江入之

源出廣東高州府北流經容縣容江注之至藤縣東南爲繡江入于藤江藤江又東流至梧

州府城西與灘江合流爲桂江東流至梧州府城南爲

大江陸川從南來注之大江又東入廣東肇慶府西封

川縣東安水從封川界南流來注之

東安水在廣西梧州府城北四十里

大江過德慶州南又東瀧水北流來注之

瀧水源自潯境經龍水縣

西南八十里北大江經肇慶府城南又爲西江

即端溪又



東新江北流來注之

新江源出新興縣亂山經府城南六里名新江北流入于大江又

東綏江南來注之

綏江源出梧州府懷集縣懷溪水合寧花菱西廟宿泊下助佛燈甘洞

桃花多羅瀛諸水自峽中曲繞而下漫流至廣東四會縣治南為綏江入于大江

大江又東至

廣州府南海縣西為西江北江

滇水入之南流又合東江

龍川入于南海

牂牁江

一名烏泥江

其源有二俱出程番府一自金筑司

治北為麻線河至府城西境為七曲江過廬山東經洪

番方番至為番司南為大韋河一自上司馬橋治東北

流經小程番廬番北境南流遶府城東過臥龍司西與

今水經

大韋河合爲牂牁江遶臥龍司治南又爲遶翠江過羅

番大龍司治北回龍江南流來注之

回龍江在金  
石番司左

折遶

大龍司東入廣西泗城州經慶遠府境達遷江來賓縣  
南東流縈迴約千餘里入于右江

左江 上流卽盤江又名牂牁江源出烏撒蠻界過雲

南霑益州有二源其一北流曰北盤江其一南流曰南

盤江州據二江之間北盤江自霑益州東北流入貴州

普安州北境折而東南流經安南衛城東界至永寧州

境與南盤江合南盤江自霑益州西南流白石江入之

白石江在曲靖府城北八里

經貴州普安州西南境南流遶雲南羅

平州境之西下流瀟湘江入之

瀟湘江源出馬龍州木容箐溪至曲靖府城南

為瀟湘江

又東流至貴州永寧州與北盤江合盤江經永寧

州頂營長官司西四十里南流入廣西泗城州歷山林

峒由奉議州城北經州境為左江東流過隆安武緣至

南寧府城西五十里合江鎮與龍江合是為大江又東

西江水來注之

西江水在武緣縣西源出明山界經本縣南流入于大江

大江又東

八尺江注之

八尺江源出廣東欽州界北流至南寧府城東南六十里為八尺江入于鬱江

大

江東流入橫州號為鬱江下流清江武流江秋風江東

班江來注之

清江在橫州東一十五里源出從化鄉入于槎江武流江在橫州東南五十里源出

廣東靈山縣界至橫州入于槎江秋風江在永淳縣南一十里源出靈山縣界流入鬱江東班江在永淳縣東

北五里源出賓州領方縣界流入鬱江

又東寶江來注之

寶江一名浮江在貴縣西二里

水來自賓州界入鬱江

鬱江又東流至潯州府城南又名南江又

東流與右江會

龍江源出交趾廣源州合七源州水歷龍州城南為

龍江下思明明江入之

明江源出思明府城東南上思州南六十里十萬山流至上思

州治西為上思江至右萬寨與小江水合又流遶思明府治南為明江又角硬水在思陵州治南源出州治南二十里角硬山北流出州治前念削水合之流入思明府界會于明江明江又北流一百八十里入龍州龍江

龍江入太平府界會崇善縣水至羅陽縣馱排江入之

馱排江源出太平府永康縣西流至羅陽縣入于龍江至江州歸安水入之歸安水來

自上思州流經江州入于龍江龍江至南寧府合江鎮入于大江

灘江源出廣西桂林府海陽山流五里分爲二北爲

湘水南爲灘水灘江至靈川縣東北銀江入之銀江在靈川縣

東北東流入于灘江東南流至桂林府城南陽江入之陽江源出靈川縣思

磨山東流入于灘江又南合相思江相思江源出臥石山下唐長壽初築相思埭分水使東西

流東流至桂林府城南五十里合灘江灘江又南逕平

西流合白石水至永福縣入于灘江樂府城南又合荔水荔水源出柳州界歷脩仁荔浦二縣入于灘江至梧州府

城西入于廣江

湏水 亦名北江源出大庾嶺流經南雄府城南又名

保水始興縣在其東北杜安水西流來合之杜安水源出信豐縣

深窖鐵子源至始興縣東北三十里西流入于湏水 湏水西南流凌江水來合

之凌江水源出順都百丈山下流合又西合朔水朔水在始昌水至南雄府城西入于湏水

興縣東一百里源出贛州龍南縣界下流與清化水合 湏水逕韶州府仁化縣治

南會湏水入之會湏水源出仁化鄉南又逕韶州府城

東黎溪入之黎溪在韶州府城東九十里源出始興縣東坑嶺西流入湏水又南流合

武水爲曲江源出郴州臨武岡逕宜章縣南流入樂昌縣又南流至韶州府城東入于湏水下

流至英德縣西一十五里兩山對峙夾水號湏陽峽又

合翁溪

翁溪源出翁源縣靈池山西南流一百四十里至英德縣入于湏水

湏水逕廣州

府湏水合焉

湏水在廣州府連州城下東注陽山出洗口入于湏水

至南海縣西

入于西江

龍川 亦名東江出贛州安遠縣南流過龍川河源至

惠州府城西江注之

西江出惠州府西南流至淡水場東抵惠州府城與龍川合 龍

川又西流過博羅縣界又西入廣州府界至番禺縣增

江注之

增江源出陳峒山東南流合防水逕增城縣東分流東支入牛潭南支至番禺入于龍川 合

流入于廣江

漠陽江

源出古銅陵縣

在陽春縣境

北雲浮山下南流過

肇慶府陽春縣會羅鳳水博麻水逕陽江縣廢南恩州

城通北津港門入于海

羅鳳水在陽春縣北五十里其流紫迥西入漠陽江博麻水在

陽春縣東北三十里源出射木山西南流入漠陽江

鑑江 源發廣東高州府電白縣鑑山逕高州府城東

北合凌羅二水東南入于海

二水源俱發廣西北流縣凌水出扶耒山下羅水出

峨石山下南流七十里而合

廉江 卽合浦江源出廣西容縣大容山南流至廣東

廉州府州江口分爲五江曰州江陳屋江白沙塘江大



橋江新村江環流府城西南入于海

欽江 源發廉州府靈山縣北一十五里洪牙山過欽州東乃南入于海而州西二十里漁洪江又十里鳳凰江州東二十里平銀江州南一百餘里防城江俱注之瓊海潮候 天下之潮皆一日兩汛惟瓊海之潮半月東流半月西流潮之大小隨長短星不係月之盛衰

元江 一名禮社江源自雲南府趙州白崖臉江東南流逕楚雄府馬龍江入之

馬龍江源自蒙化府入楚雄府鎮南州西南逕磬嘉縣東

又東南入于元江

又東南流逕元江府城又東逕臨安府城南

入納樓茶甸界爲祿豐江逕蒙自縣爲梨花江東南注于交趾清水江入海

瀾滄江 源出吐番嵯和歌甸南流逕麗江府江蘭州

西北入大理府雲龍州西南過金齒司城東北八十五

里羅岷山逕蒙化府西南一百三十里至順寧府城東

又南與漾備江合

漾備江源自劍川州逕浪穹縣過點蒼山合西洱海逕大理府趙州西南

境歷蒙化府順寧府混流百里入于瀾滄江西洱海卽古葉榆河也自鄧州合點蒼山之十八川而匯于大理

府城東形如人耳周三百餘里下流合于漾備江

又東南逕景東府南一百餘

里過大侯州南二百五十里蠻彌山之麓入元江府與

元江流繞其城又南至車里過交趾入海

大盈江 有三源一出赤土山流爲馬邑河一出龍從

山瀆爲小湖流爲高河迺出羅生山流爲羅生場河

三山皆在

騰衝司境

達雲南騰衝司城自東而北而西三水合爲大盈

江又名大車江南流入南甸宣撫司分爲小梁河大盈

江與小梁河竝西南流至于崖司小梁河爲安樂河而

合于大盈江折流而西一百五十里爲檳榔江至北蘇

蠻界注金沙江入緬甸司麓川江來注之同流入海

麓川江 源出峨昌蠻地七藏甸逕甸旁高黎共山北

渡口又逕芒市司境至緬甸司太公城入大盈江

潞江 本怒江之訛源出雍望逕潞江安撫司北合平

市河入大盈江

平市河一出甸頭山一出石甸寨合流逕施甸西又南合蒲縹寨澗水逕新柵

山口下流入潞江

今水經

完

先高祖遺獻公以理學文章垂名百有餘年海內旣望  
海若而尊斗杓矣旁及星緯律術卜筮象數各家言無  
不博綜如肉貫鼎篤老支牀矻矻著述自康熙雍正閒  
竹浦故里潯經水火遺書勵有存者壬辰秋奉檄來省  
適盧子京甫舉今水經匡廬游錄二帙相畀則續鈔堂  
故物也寒家無鈔胥係學子初握管者所錄字多魚魯  
因先取今水經校閱一過謀梓以行友人新安鮑君以  
文好古士也一見忻然卽任剗劂而屬識於後竊惟地  
理之學最易承訛襲謬而水其輿地之脈絡也流別燦

然雖閒有遷徙而南條北條之分或原或委之異其來  
踪去跡固可由今而溯古亦可沿古以知今非如郡國  
建置之名號紛拏輻輳彼此互岐而無如講地理者之  
承訛襲謬則水亦幾如郡國建置之名號之不可究詰  
也已今水經之作先之以表次分疏其節目一切卮言  
勦說汰盡不畱承學之士省覽卽得殆用力寡而於功  
多者矣近時德清胡徵士朏明纂禹貢雖指人多遺議  
天台齊侍郎次風述水道提綱侍郎浙人也其述浙水  
卽有誤處則此書其質的也歟至此書之緣起具先

高祖自敘中茲不復贅乾隆癸巳閏三月上浣日元孫  
璋謹識